

# Anggota komponen BN diseru bersama hadapi masalah

PONTIAN, Jumaat — Parti-parti komponen Barisan Nasional di sini digesa bekerjasama mewujudkan kekuatan bagi menghadapi semua masalah terutama pilihanraya yang akan datang.

Pilihanraya umum akan diadakan pada bila-bila masa tahun hadapan atau tahun berikutnya. Oleh itu tanggungjawab yang ada sekarang akan bertambah, kata Anggota Parlimen Pontian, Haji Ikhwan Nasir.

Berucap di majlis perjumpaan Hari Raya di Dewna Jubli Intan di sini semalam, beliau menegaskan kehilangan wang pertaruhan calon-calon parti lawan dalam dua pilihanraya yang lalu tidak bererti hanya boleh dijadikan ukuran untuk memandangkan ringan cabaran yang akan dihadapi kelak.

"Keyakinan yang sebegini boleh membahayakan serta akan melalaikan diri kita terhadap tanggungjawab yang sebenar," tegas beliau.

Haji Ikhwan yang juga Pengerusi Barisan Nasional Bahagian Pontian berpuas hati dengan ker-

jasama dan sokongan yang sehingga ini ditunjukkan oleh parti-parti yang bergabung dalam Barisan Nasional serta pemimpin tempatan di sini.

"Sokongan dan kerjasama ini perlu dipertingkatkan dari masa ke masa selaras dengan perkembangan politik tanah air pimpinan Dr. Mahathir dan Datuk Musa Hitam", ujar beliau.

Kira-kira 500 orang hadir di majlis perjumpaan itu.

Mereka terdiri dari pemimpin-pemimpin dari bahagian dan cawangan parti politik, badan-badan sukarela, belia dan badan beruniform lain jabatan, pegawai kanan kerajaan dan pemimpin tempatan lain.

Bahan asal dari Arkib  
Negara Malaysia